



**C**onradus ille, ut literis & studijs rectius vacare posset, monachus Hirsgaviensis cœnobij in confinibus Sueuorum ordinis S. Benedicti factus est. Ibi adeò omnis generis disciplinis operam dedit, ut philosophus, rhetor, & insignis poëta euaferit. Is sub nomine Peregrini multa præclara opuscula composuit. in quibus ornata sententiarum dispositio, & uenusti sermonis cultura ostēdunt hūc hominem etiam ueteribus autoribus conferri posse. Inter alia composuit opus dialogorum sub nomine Peregrini presbyteri & Theodoræ uirginis, quod speculum uirginum inscripsit, & libris octo distinxit. Præterea de uita spiritus, & fructu mortis

unà cum alijs huiusmodi. Fuit quidam alius ordinis prædicatorum, qui sub nomine Peregrini sermones aliquot ad populum composuit. Verùm is & tempore & eloquio, huic nostro multum inferior fuit. Huius enim scripta Tullianam eloquentiam resonant. id quod alter præstare non potuit. Claruit Conradus anno Christi circiter millesimo centesimo quadagesimo. Trit.